

Kredit liniyasi ochilmagan holda kreditlash to'g'risida
KREDIT SHARTNOMASI
(namunaviy shakl)

20 __ yil " __ " _____ № _____ shahri

"Trastbank" xususiy aksiyadorlik bankining _____ filiali (keyingi o'rinlarda – Bank) boshqaruvchisi _____ Nizom va Ishonchnoma asosida faoliyat yuritib, bir tomondan, va _____

(qarzdorning/mijozning to'liq nomi)

(keyingi o'rinlarda – Qarzdor/mijoz) rahbari _____ asosida faoliyat yuritib, ikkinchi tomondan, mazkur Shartnomani

(ustav, nizom, guvohnoma)

quyidagilar to'g'risida tuzdik.

1-§. Shartnoma predmeti

1. Bank, _____ kredit komissiyasining 20__ yil " __ " _____ dagi
(Filial/Bosh bank)
_____/_____-son bayonnomasiga muvofiq Qarzdorga/mijozga _____ muddatga _____
(_____) so'm
kredit taqdim etadi.

2. Kreditning maqsadi _____ hisoblanadi.

3. Qarzdor/mijoz tomonidan olingan kredit hisobini yuritish uchun Bank unga tegishli kredit hisobvarag'ini ochadi.

4. Bank Qarzdorga/mijozga ajratilgan kreditning to'liq qiymatini hisoblaydi.

Kreditning to'liq qiymati – kredit shartnomasiga muvofiq Qarzdor/mijoz tomonidan amalga oshiriladigan to'lovlardan iborat bo'lib, ushbu to'lovlarning miqdori va muddati kredit shartnomasini tuzish paytiga aniq bo'ladi. Agar Qarzdorning /mijozning uchinchi shaxs foydasiga amalga oshiradigan to'lovlari kredit shartnomasi shartlaridan kelib chiqadigan bo'lsa, bunday to'lovlar ham kreditning to'liq qiymatiga qo'shiladi. Kreditning to'liq qiymatiga quyidagi to'lovlar kiradi: kredit shartnomasi tuzilishi va bajarilishi bilan bog'liq bo'lgan Qarzdor/mijoz to'lovlari (kredit bo'yicha asosiy qarzni qaytarishga oid to'lov; kredit bo'yicha foiz to'lovi); kredit shartnomasi shartlariga muvofiq Qarzdorning/mijozning uchinchi shaxs (sug'urta kompaniyasi, notarial idora) foydasiga amalga oshiradigan to'lovlari (garovga qo'yilayotgan mulkni baholash uchun to'lov; garov predmetini sug'urtalash uchun to'lov va boshqa to'lovlar). Kreditning to'liq qiymatiga quyidagi to'lovlar kirmaydi: kredit shartnomasiga emas, balki qonun hujjatlari talablariga muvofiq amalga oshiriladigan Qarzdor/mijoz to'lovlari (masalan, transport vositasi egasining fuqarolik javobgarligini majburiy sug'urtalash uchun to'lov); kredit shartnomasining shartlari bajarilmaganligi bilan bog'liq Qarzdor/mijoz to'lovlari (muddati o'tgan kreditga oshirilgan stavka bo'yicha foiz to'lovi); kredit shartnomasida nazarda tutilgan Qarzdor/mijoz to'lovlari (agar ushbu to'lovlar miqdori va/yoki muddati Qarzdorning/mijozning qaroriga va/yoki o'zini tutishiga bog'liq bo'lsa): qarzdorlik holati haqida ma'lumot taqdim etilganligi uchun undiriladigan vositachilik haqi.

2-§. Kreditning foiz stavkasi va ko'rsatilgan xizmat uchun olinadigan haq

5. Kreditning foiz stavkasi yillik hisob asosida ___% miqdorida belgilandi va Bank tomonidan Qarzdorning/mijozning kredit hisobvarag'idan to'lov amalga oshirilgan kundan boshlab har kunga hisoblab boriladi.

6. Kredit bo'yicha muddati o'tgan foiz to'lovi yuzaga kelgan taqdirda, Qarzdor/mijoz har

bir muddati o'tgan kun uchun to'lov muddati o'tgan qarzdorlikdan 0,5%, lekin muddati o'tgan foiz qarzdorligining 50 foizidan oshmagan miqdorda, Bankka penya to'laydi, penya to'lanishi Qarzdorni/mijozni muddati o'tgan foizni to'lashdan ozod qilmaydi.

7. Kredit shartnomasining tarkibiy qismi hisoblangan asosiy qarzni qaytarish grafigida belgilangan muddatda kreditning qaytarilishi amalga oshirilmasa, Bank tomonidan kredit foizi kredit shartnomasida o'rnatilgan foiz stavkasidan 1,5 marta oshirilgan foiz stavkasida undiriladi.

8. Qarzdor/mijoz Bosh bank (filial) kredit komissiyasi qaroriga muvofiq kredit hisobvarag'idan to'lov amalga oshirilganligi uchun Bankka haq to'laydi.

9. Mazkur Shartnoma shartlariga Qarzdorning/mijozning tashabbusiga ko'ra o'zgartirish kiritilganda, Bank Qarzdordan/mijozdan Bank tariflariga muvofiq vositachilik haqi undiradi.

3-§. Kredit shartnomasi bo'yicha to'lovlarni amalga oshirish tartibi

10. Qarzdor/mijoz tomonidan kredit bo'yicha asosiy qarzni qaytarishga oid to'lov ushbu Shartnomaga ilova qilingan kreditni qaytarish grafigiga muvofiq amalga oshiriladi.

11. Bank kredit bo'yicha asosiy qarzga Qarzdorning/mijozning kredit hisobvarag'i-dan to'lov amalga oshirilgan kundan boshlab har kunga foiz hisoblab boradi va hisoblangan foizni har oyning 11 sanasida undiradi.

Agar kredit bo'yicha foizni to'lash dam olish kunlariga to'g'ri kelsa, to'lov dam olish kunlaridan keyingi birinchi ish kunida, dam olish kunlariga hisoblangan foizni ham qo'shgan holda, amalga oshiriladi.

12. Kredit bo'yicha asosiy qarz va unga hisoblangan foiz bo'yicha muddati o'tgan qarzdorlik yuzaga kelsa, foiz bo'yicha qarzdorlik kalendar ketma-ketligida navbat bilan undiriladi.

13. Kredit yoki unga hisoblangan foiz bo'yicha muddati o'tgan qarzdorlik paydo bo'lganda Bank Qarzdorning/mijozning filialdagi yoki boshqa bankdagi asosiy talab qilib olinguncha depozit hisobvarag'iga aksepsiz tartibda to'lov talabnomasini qo'yishga haqli hisoblanadi.

14. To'lovni amalga oshirishga asos bo'ladigan barcha hujjat va shartnomalar O'zbekiston Respublikasi qonun hujjatlariga muvofiq rasmiylashtirilgan bo'lishi lozim. Ushbu talabga rioya etilmaganda Bank kredit hisobvarag'idan to'lovni amalga oshirishdan bosh tortishga haqli hisoblanadi. Bank to'lovni amalga oshirishga asos bo'ladigan shartnomaga O'zbekiston Respublikasi qonun hujjatlariga zid bo'lmagan qo'shimcha va o'zgartirishlar kiritishni talab qilishga ham haqli hisoblanadi.

3-§. Tomonlarning majburiyatlari

15. Bankning majburiyatlari:

a) kreditni Qarzdorga/mijozga 20__ yil “__” _____ dan 20__ yil “__” _____ gacha bo'lgan muddatga berish;

b) to'lov hujjati O'zbekiston Respublikasi qonun hujjatlariga muvofiq rasmiylashtirilganda, kredit hisobidan to'lovni u taqdim etilgan kunda amalga oshirish;

v) kreditni muddatidan oldin undirish omili va sabablari haqida Qarzdorni/ mijozni xabardor etish;

g) kredit bo'yicha muddati o'tkazib yuborilgan qarzdorlik yuzaga kelganda Qarzdor/mijoz zimmasidagi qarz yuki yanada oshib ketishining oldini olish maqsadida ushbu qarzdorlik yuzaga kelgan sanadan boshlab 7 kalendar kuni davomida har qanday aloqa bog'lash usulidan, shu jumladan elektron aloqa vositasidan foydalanib, Qarzdorga/mijozga muddati o'tkazib yuborilgan qarzdorlik yuzaga kelganligi haqida kreditni qaytarish grafigini ilova qilgan holda xabar berish;

d) Qarzdorni/mijozni ushbu shartnoma bo'yicha muddati o'tkazib yuborilgan qarzdorlikni qaytarish majburiyatlari bajarilmaganligi holati, muddati, qiymati, tarkibi va oqibatlari haqida xabardor qilish, Qarzdordan/mijozdan muddati o'tkazib yuborilgan qarzdorlik yuzaga kelishi sabablari haqida so'rash;

e) Qarzdor/mijoz tomonidan ushbu shartnoma bo'yicha asosiy qarzni qaytarish va (yoki)

hisoblangan foizni to'lash muddati buzilganda nizoni sudgacha hal qilish yuzasidan o'z talabnomasini qarzdorga/mijozga yetkazish.

16. Qarzdorning/mijozning majburiyatlari:

a) kreditlash muddati davrida kreditlashning qaytarishlilik, to'lovlilik, ta'minlanganlik, muddatlilik va maqsadli ishlatish shartlarini bajarish;

b) kreditning o'z vaqtida qaytarilishini ta'minlash va ushbu Shartnoma 15-bandining "a" kichik bandida ko'rsatilgan muddatdan kechiktirmasdan olingan kreditni to'liq so'ndirish;

v) kredit qaytarilishining ta'minoti sifatida quyidagilarni taqdim etish (*amalda taqdim etilgan ta'minot turi aks ettiriladi*):

- *ko'chmas mulk garovi* (O'zbekiston Respublikasi qonun hujjatlariga muvofiq va Bankni qanoatlantiradigan tarzda rasmiylashtirilgan, qiymati _____ (_____) so'mga teng bo'lgan, _____ manzili bo'yicha joylashgan, 20__ yil "___" _____ dagi _____-son guvohnoma va 20__ yil "___" _____ dagi _____-son kadastr hujjati bilan _____ ga tegishli ko'chmas mulk);

- *transport vositasi garovi* (O'zbekiston Respublikasi qonun hujjatlariga muvofiq va Bankni qanoatlantiradigan tarzda rasmiylashtirilgan, qiymati _____ (_____) so'mga teng bo'lgan, _____ manzili bo'yicha joylashgan, 20__ yil "___" _____ dagi _____-son texpasport va _____ davlat raqami bilan _____ ga tegishli transport vositasi);

- *texnologik uskuna garovi* (O'zbekiston Respublikasi qonun hujjatlariga muvofiq va Bankni qanoatlantiradigan tarzda rasmiylashtirilgan, qiymati _____ (_____) so'mga teng bo'lgan, _____ manzili bo'yicha joylashgan, 20__ yil "___" _____ dagi _____-son yuk bojxonasi deklaratsiyasi/yuk xati bilan _____ ga tegishli texnologik uskuna);

- *kafillik garovi* (qiymati _____ (_____) so'mga teng bo'lgan, _____ tomonidan berilgan, 20__ yil "___" _____ dagi _____-son kafillik shartnomasi bilan O'zbekiston Respublikasi qonun hujjatlariga muvofiq rasmiylashtirilgan kafillik).

g) kredit bo'yicha garov ta'minotini, mazkur Shartnomaning ajralmas qismi hisoblanadigan, alohida shartnoma (garov shartnomasi, kafillik shartnomasi) bilan rasmiylashtirish;

d) garov predmetini kreditning to'liq davriga o'rnatilgan tartibda Bank foydasiga sug'urta qilish hamda sug'urta shartnomasi, sug'urta polisi va notarial tarzda tasdiqlangan garov shartnomasining aslini Bankka topshirish;

e) ushbu Shartnoma amal qiladigan davr ichida, Bankni oldindan ogohlantirmasdan, boshqa banklardan kredit olmaslik, kafolat bermaslik yoki kafil bo'lmaslik, qarz olmaslik, shuningdek o'zining har qanday mulkini boshqa kreditorning krediti bo'yicha ta'minot sifatida garovga qo'ymaslik;

yo) taqdim etilgan biznes-planga muvofiq texnik-iqtisodiy ko'rsatkichlarning bajarilishini ta'minlash;

j) olingan kreditni ushbu Shartnomaga ilova qilingan kreditni qaytarish grafida belgilangan muddatlarda yoki muddatidan oldin qaytarish;

z) kredit bo'yicha asosiy qarzni kreditni qaytarish grafigi bo'yicha qaytarish, kreditga hisoblangan foizni ushbu Shartnomaning 11-bandida qayd etilgan muddatda to'lash, shuningdek ushbu Shartnomaning 8 va 9-bandlarida ko'rsatilgan vositachilik haqini undirish uchun zarur bo'ladigan mablag'ning asosiy talab qilib olinguncha depozit hisobvarag'ida mavjud bo'lishini ta'minlash;

i) nazorat funksiyasi amalga oshirilishi uchun O'zbekiston Respublikasi qonun hujjatlariga muvofiq davlat soliq inspeksiyasiga taqdim qilingan buxgalteriya balansi (1-shakl bo'yicha hisobot) va moliyaviy natijalar to'g'risida hisobot (2-shakl bo'yicha hisobot) nusxalari, pul mablag'ining harakati to'g'risida hisobot, debitor va kreditor qarzdorliklar yoyilmasini (90 kundan ortiq muddat davomida mavjud bo'lib kelayotgan qarzdorliklar bo'yicha solishtiruv dalolatnomasining nusxasi ilova qilingan holda) ushbu Shartnoma amal qiladigan davr davomida hisobot choragidan keyingi oyning 25 sanasidan kechiktirmasdan Bankka taqdim etib borish (agar hisobot yilda bir marta topshiradigan bo'lsa, operativ balans hisobotini, moliyaviy hujjatni imzolash vakolati bo'lgan rahbarlar tomonidan imzolangan va muhr bosib tasdiqlangan holda, to'liq hajmda har chorakda taqdim qilib borish);

y) loyihani kreditlash masalasi bilan bog'liq har qanday axborotni unga zaruriyat ushbu Shartnoma amal qiladigan davr davomida paydo bo'lganda Bankka uning talabi bo'yicha taqdim etish;

k) Bankning tegishli vakolatga ega bo'lgan xodimlarining buxgalteriya hujjatlari bilan tanishish, kreditning maqsadli ishlatilganligini tekshirish, garov mulkining haqiqatdagi holatini ko'zdan kechirish uchun xizmat binolari, ishlab chiqarish ob'ekti va boshqa hududga bemalol kirishini ta'minlash;

l) yuridik manzili va boshqa rekvizitlari o'zgarganligi to'g'risida, o'zgartirishlar kiritilgan kundan boshlab 10 kalendar kuni ichida, Bankka xabar berish;

m) ushbu Shartnoma amal qiladigan davr davomida mulk shaklini qo'shish, tugatish va boshqa har qanday shaklda qayta tashkil etish orqali o'zgartirishni Bankning yozma rozilgisiz amalga oshirmaslik;

n) kredit va unga hisoblangan foiz bo'yicha qarzdorlik belgilangan muddatda so'ndirilmagan taqdirda, ushbu qarzdorlikni (unga hisoblangan jarimalarni ham qo'shgan holda) o'zining asosiy talab qilib olinguncha depozit hisobvarag'idan aksepsiz undirish huquqini Bankka berish;

o) kredit va unga hisoblangan foiz bo'yicha qarzdorlikni so'ndirish uchun mablag'i mavjud bo'lmagan holda qarzdorlik yuzasidan undiruvni O'zbekiston Respublikasi qonun hujjatlarida belgilangan tartibda garov ta'minotiga yoki boshqa likvidli mulkiga qaratish huquqini Bankka berish;

p) faoliyati tugatilganda yoki huquqiy maqomi o'zgarganda ushbu Shartnoma bo'yicha barcha majburiyatlarni bajarish tugatilgan (maqomi o'zgargan) Qarzdorning/mijozning vorisiga o'tadi yoxud Qarzdor/mijoz kredit va unga hisoblangan foiz bo'yicha qarzdorlikni, ushbu Shartnomada belgilangan so'ndirish muddatidan qat'iy nazar, muddatidan oldin to'lash;

r) boshqa banklarda ikkilamchi hisobvarag'i mavjudligi to'g'risida Bankka xabar berish;

s) agar tomonlar o'rtasida o'zaro kelishuvga erishilmagan bo'lsa, ushbu Shartnoma bo'yicha barcha majburiyatlar bajarilmagunga qadar boshqa banklarda milliy va chet el valyutalarida hisobvaraqlar ochmaslik, shuningdek kredit va boshqa moliyaviy majburiyatlar rasmiylashtirmaslik;

t) ushbu Shartnoma tuzilgan paytdan boshlab 60 bank kuni davomida ajratilgan kredit mablag'ini to'liq ishlatish;

u) Garov reestriga yozuv kiritilishiga qarzdor/mijoz va/yoki garovga qo'yuvchining yozma roziligi taqdim etish.

4-§. Tomonlarning huquqlari

17. Bankning huquqlari:

a) Qarzdorning/mijozning kreditni qaytarish qobiliyatini aniqlash uchun uning moliyaviy holatini har chorakda tahlil qilish;

b) O'zbekiston Respublikasi Markaziy bankining qayta moliyalash stavkasi o'zgarganda, Qarzdorni/mijozni yozma ogohlantirgan holda, kreditning foiz stavkasini o'zgartirish;

v) ushbu Shartnoma amal qiladigan davr davomida Qarzdor/mijoz faoliyati

ko'rsatkichlarining biznes-rejaga muvofiqligi, garovga olingan mulkning holati hamda kredit va unga hisoblangan foizni o'z vaqtida so'ndirish istiqbolini monitoring qilish;

g) kredit o'z vaqtida qaytarilmaganda O'zbekiston Respublikasi qonun hujjatlariga muvofiq qarzdorlikni so'ndirishga qaratilgan barcha imkoniyatlardan foydalanish;

d) Qarzdorning/mijozning moliyaviy holati yomonlashganda (zarar ko'rib ishlash, balansning nolikvidligi, 2-kartotekaning mavjudligi, buxgalteriya hisobini yuritish talabga javob bermasligi, hisobot ma'lumotlarining ishonchli emasligi), biznes-rejaning texnik-iqtisodiy ko'rsatkichlari bajarilmaganda, bank nazoratidan bosh tortilganda kreditni muddatidan oldin so'ndirishni talab qilish va kreditlashni bundan buyon to'xtatish;

e) kreditning maqsadli ishlatilmagan qismini jarima qo'llagan holda muddatidan oldin undirish;

yo) Qarzdor/mijoz tomonidan ushbu Shartnoma bo'yicha asosiy qarzni qaytarish va (yoki) hisoblangan foizni to'lash muddati buzilganda nizoni sudgacha hal qilish yuzasidan o'z talabnomasini Qarzdorga/mijozga yetkazish;

j) talabnoma yetkazilgandan so'ng o'ttiz kun ichida Qarzdor/mijoz unda ko'rsatilgan talablarni lozim darajada bajarmaganda, tegishli talab bilan sudga murojaat qilish;

z) kredit va unga hisoblangan foiz bo'yicha qarzdorlikni so'ndirish uchun Qarzdorning/mijozning mablag'i mavjud bo'lmaganda qarzdorlik yuzasidan undiruvni O'zbekiston Respublikasi qonun hujjatlarida belgilangan tartibda garov ta'minotiga yoki boshqa likvidli mulkiga qaratish;

i) kredit so'ndirilishidan 20 bank kuni oldin Qarzdordan/mijozdan asosiy talab qilib olinguncha depozit hisobvarag'iga kirim qilinayotgan mablag'ni kredit va unga hisoblangan foiz bo'yicha qarzdorlik qoldig'i so'ndirilishi uchun yetarli miqdorda to'plab borishni talab qilish;

y) Qarzdor/mijoz tomonidan ushbu Shartnomaning 16-bandida qayd etilgan o'z majburiyatlariga rioya qilinmaganda uni bundan buyon kreditlashdan voz kechish hamda kredit va unga hisoblangan foiz bo'yicha qarzdorlikni Qarzdorning/mijozning Bankdagi yoki boshqa bankdagi asosiy talab qilib olinguncha depozit hisobvarag'idan muddatidan oldin, kredit bo'yicha qarzdorlik qiymatining 10 foizi miqdorida jarima qo'llagan holda, aksepsiz undirish.

18. Qarzdorning/mijozning huquqlari:

a) ushbu Shartnomada belgilangan shartlarda, miqdorda va muddatda kredit olish;

b) Bank bilan kelishgan holda kreditni muddatidan oldin so'ndirish;

v) Bankning aybiga ko'ra kreditning ushbu Shartnomada belgilangan shartlarga zid ravishda to'liq bo'lmagan miqdorda yoki muddatiga rioya etilmagan holda taqdim etilishiga yo'l qo'yilganligi tufayli tovar sotuvchiga (ish bajaruvchiga, xizmat ko'rsatuvchiga) to'lov o'z vaqtida amalga oshirilmaganligi uchun to'langan jarimani Bankdan qoplab berishni talab qilish.

5-§. Tomonlarning javobgarligi

19. Mazkur Shartnoma 15-bandining "a" kichik bandiga rioya etilmaganligi uchun Bank har bir muddati o'tgan kun uchun muddati o'tgan to'lov qiymatidan 0,1%, lekin muddati o'tgan to'lov qiymatining 10 foizidan oshmagan miqdorda Qarzdorga/mijozga penya to'laydi (bunda Qarzdorning/mijozning ushbu Shartnoma shartlariga Bank rioya etmaganligi asoslangan yozma talabi mavjud bo'lishi lozim).

20. Kredit maqsadli ishlatmaganligi uchun Qarzdordan/mijozdan kreditning maqsadli foydalanilmagan qismi qiymatidan 10% miqdorida, kreditning maqsadli ishlatilmagan qismini muddatidan oldin so'ndirgan holda, Bank jarima undiradi.

6-§. Fors-major holatlar

21. Ushbu Shartnomaga ko'ra qabul qilingan majburiyatlarni bajarmagan yoki lozim darajada bajarmagan tomon, agar bunga fors-major holat sabab bo'lganligini isbotlay olmasa, javobgar bo'ladi.

22. Fors-major holatlarga, ular oqibatida kelib chiqqan favqulodda, joriy sharoitda bartaraf

etib bo'lmaydigan va oldindan kutilmagan vaziyatlar, agar ushbu vaziyatlar tomonlarning mazkur Shartnomani bajarishiga bevosita ta'sir ko'rsatgan bo'lsa, quyidagilar kiradi:

a) tabiiy hodisalar (zilzila, yong'in, ko'chki, dovul, suv toshqini, epidemiya, qurg'oqchilik, portlash);

b) ijtimoiy-iqtisodiy vaziyatlar (harbiy harakat, ish tashlash, ommaviy tartibsizliklar, qamal, davlat tashkilotlari hamda davlatlar o'rtasidagi cheklovchi va taqiqlovchi choralar, shuningdek barcha darajadagi davlat organlarining qarorlari va O'zbekiston Respublikasi Savdo-sanoat palatasi tomonidan fors-major holat sifatida tan olingan va e'lon qilingan vaziyatlar).

23. Fors-major holat sodir bo'lishi oqibatida o'z majburiyatini bajarish imkoniyatiga ega bo'lmagan va javobgarlikdan ozod qilishni da'vo qiladigan tomon fors-major holat sodir bo'lganini ma'lum bo'lishi bilan ikkinchi tomonni mazkur holat to'g'risida yozma ravishda xabardor qilishi shart.

24. Javobgarlikdan ozod bo'lish uchun asos fors-major holat sodir bo'lgan vaqtdan boshlab yoki agar xabar o'z vaqtida berilmagan bo'lsa, u holda xabar berilgan sanadan e'tiboran kuchga ega bo'ladi. Xabar berilmasligi, majburiyatni bajarmagan tomon zimmasiga ko'rilgan zararni qoplash yuzasidan javobgarlikni yuklaydi.

25. Fors-major holatning 6 oylik muddat davomida saqlanib turishi mazkur Shartnomani bekor qilish uchun asos bo'ladi.

7-§. Nizoni hal etish tartibi

26. Tomonlar ushbu Shartnomadan kelib chiquvchi nizoni muzokara yo'li bilan hal etishning barcha zarur chorasini ko'rish majburiyatini oladi.

27. Nizoni muzokara yo'li bilan hal etishning imkoni bo'lmasa, u O'zbekiston Respublikasi qonun hujjatlariga muvofiq iqtisodiy sudda hal qilinadi.

8-§. Boshqa shartlar

28. Qarzdor/mijoz kredit qaytarilishining ta'minotini belgilovchi mulk garovi shartnomasini (kafillik shartnomasi, sug'urta polisini) Bankka taqdim etadi.

29. Ushbu Shartnoma shartlarini o'zgartirish tomonlarning o'zaro kelishuviga muvofiq amalga oshiriladi va yozma shaklda rasmiylashtiriladi.

30. Ushbu Shartnoma tomonlar tarafidan imzo qo'yilgandan so'ng kuchga kiradi va Qarzdor/mijoz o'z majburiyatlarini to'liq bajarib bo'lganga qadar amal qiladi. Shu bilan birga kreditni taqdim etish bo'yicha Bank majburiyati Qarzdor/mijoz tomonidan quyidagi shartlar bajarilgandan so'ng amalga kiritiladi:

a) garovga qo'yilgan mulkni kreditning to'liq davriga Qarzdor/mijoz tomonidan Bank foydasiga sug'urta qilish hamda sug'urta shartnomasi va sug'urta polisining aslini Bankka topshirish;

b) Bank va Qarzdor/mijoz o'rtasida tuzilgan garov shartnomasini notarial tartibda tasdiqlatish.

31. Ushbu Shartnoma 30-bandida qayd etilgan shartlar Qarzdor/mijoz tomonidan bajarilmaganligi tufayli shartnoma tuzilgan kundan boshlab 30 kalendar kuni davomida kreditni taqdim etish bo'yicha Bank majburiyatlari kuchga kirmasa, mazkur Shartnoma va u bo'yicha tomonlarning barcha majburiyati amal qilishini to'xtatadi.

32. Tomonlar ushbu Shartnomaning to'liq maxfiyligini ta'minlaydi va uning shartlarini tomonlarning o'zaro roziligisiz uchinchi tomonga oshkor qilmaslik majburiyati oladi.

33. Agar tomonlardan biri tashkiliy-huquqiy shakldagi o'zgarishni o'z boshidan o'tkazsa, ikkinchi tomon oldidagi o'z majburiyatini o'zgarish ro'y bergunga qadar bajarishi yoki o'zining huquqiy vorisiga yuklashi lozim.

34. Ushbu Shartnoma ikki nusxada tuzildi va bir xil yuridik kuchga ega.

35. Mazkur Shartnoma ilovalari, unga kiritilgan qo'shimcha va o'zgartirishlar ular kuchga kiritilgandan boshlab ushbu Shartnomaning ajralmas qismi hisoblanadi.

36. Ushbu Shartnomada nazarda tutilmagan boshqa barcha holatlar uchun O'zbekiston

Respublikasi qonun hujjatlarining qoidolari qoʻllaniladi.

9-§. Tomonlarning yuridik manzili va rekvizitlari

Bank:

Manzili _____
Tel. _____ Faks: _____
Bank kodi _____
Hisobvaragʻi _____
STIR _____
Boshqaruvchi _____
Muhr oʻrni

Qarzdor/mijoz:

Manzili _____
Tel. _____ Faks: _____
Bank kodi: _____
Hisobvaragʻi _____
STIR _____
Rahbar _____
Muhr oʻrni

Tomonlarning yuridik manzili va rekvizitlari

Bank:

Manzili _____
Tel. _____ Faks: _____
Bank kodi _____
Hisobvarag'i _____
STIR _____
Boshqaruvchi _____
Bosh buxgalter _____
Muhr o'ri

Qarzdor/mijoz:

Manzili _____
Tel. _____ Faks: _____
Bank kodi: _____
Hisobvarag'i _____
STIR _____
Direktor _____
Bosh buxgalter _____
Muhr o'ri